

Disekerete tšeo di sego molaong tša boleng bja dimilione tša diranta di tshwerwe gomme tša pshatlaganywa

Tshwane, 11 June 2021 – Baofisiri ba Ditirelo tša Motšhelo tša Afrika Borwa (SARS) mo bekeng di dirile diphenyo tše mmalwa tša ntwā kgatlhanong le kgwebo ya disekerete tšeo di sego molaong ka ditshepetšo tša diphuphurutšo le tshwaro ditorong tše tharo le tshwaro ka mollwaneng wa ka posong ya Kopfontein.

Ka Kempton Park, Pretoria le Johannesburg, mabenkele a 22 a ile a tlhaselwa ka diphuruputšo gomme disekerete tšeo di sego molaong tša boleng bja R2,4-million di ile tša tshwarwa. Se e be e le tirišano mmogo magareng ga Khastomo ya ka SARS, Ditirelo tša Sephodisa tša Afrika Borwa, Kgoro ya Merero ya Selegae Le Maphodisa a Metro ka Gauteng.

Ka posong ya mollwane wa Kopfontein, Baofisiri ba Khastomo ba ile ba setšha tanka, yeo e gorogilego go tšwa ka Botswana, gomme ba hwetša mapokisi a mararo a boforetši. Mapokisi ao a be a paketšwe ka makasana a 355 a disekerete tšeo di sego molaong, tša boleng bja go feta R5.5-million. Theraka le disekerete di ile tša golegwa bakeng sa dinyakišišo tša go tšwetšwapele.

Ka Beitbridge, Baofisiri ba ka Khastomo ka thekgo ya SAPS le Sešole sa Bosetšhaba sa Afrika Borwa ba ile ba thoma go pshatlaganya disekerete tšeo di sego molaong go tšwa go tshwaro ya morago ya boleng bja go feta R30-million ka ntlophatlo ya mmušo, ka pshatlaganyo e nngwe ya disekerete tšeo di sego molaong yeo e beakantšwego go phethagala ka Pretoria mo dibekeng tše pedi.

Ka lebaka la bontši bja disekerete tšeo di sego molaong, pshatlaganyo ya ka Beitbridge e tla tšwelapele sebaka sa matšatši mmalwa. Metšhene yeo e dirišwago ke SARS, e pshatlaganya disekerete ka mokgwa wo o bolokegilego go tikologo gomme disekerete tšeo di šitšwego di bolokwa ka gare ga mokoti.

Khomišinare wa SARS Edward Kieswetter o rile go swarwa le go pshatlaganya ga disekerete tšeo di sego molaong e be e le sešupo se bohlokwa sa boikgafō bja mmušo bja go kumula kgwebo yeo e sego molaong ya dithoto tše bjale ka disekerete, diaparo le dilogwa, difatanaga tša disekene le dikgerekgere tša dimetale, magaareng ga tše dingwe.

“Mola re sa ntše re thakgadišwe ke ditšwelelo tše, re sa ntše re sa na le mošomo o mogolo kudu išago gore re kgone go šomana le thogako ye ya maitshwarompe a bosenyi, yeo e šitišago ekonomi ya selegae, e kgoboša motheo wa motšhelo gape e tlhokofatša matsha a mošomo. Gape re tshwenywa ke tlhokego ya maemo a tiišetšo le ditlamorago tša maphelo le dikotsi tše dingwe tšeo di tlhagišwago go bareki ka lebaka la dithoto tšeo di sego molaong le kgwebo,” Khomišinare o tlaleleditše ka go realo.

Tlhakego ka moka ya mmušo e thopilwe go lwantšhana le ekonomi ye e sego molaong ka tirišano le baswarakabelo ba bohlokwa go tšwa go sektara ya praebete. Ekonomi ye e sego molaong e bakile tahlegelo ya mešomo, e bakile tswalelo ya di intasteri, e bakile mathata a maphelo a setšhaba, mathata a polokego ya dinamelwa le tahlegelo ya maphelo.

“Re dira boipiletšo go bareki ka moka gore ba dule ba ntšhitše mahlo dinameng le go efoga meleko ya go reka ditšweletšwa tša theko ya fase tšeo di rekišwago sebaka se se kopana, le go lebelediša kotsi ya lebaka le le telele yeo ba ka ipakelago yona le setšhaba ka bopepetla.

“Go ya ka tagafara ya molao, SARS e ikemišeditše go thatafaletša le go lefiša motho ofe goba ofe yo a sa obamelego boikgafo bja gagwe obameloya motšhelo le khastomo. Go se obamelwe ga motho ofe goba ofe go baka tahlegelo ya ditseno tšeo naga ya rena e ka se kgonego go amogela.

“Ditseno tšeo di kolekiwago ke SARS di bohlokwa ka lebaka la gore di kgontšha mmušo go fana ka ditirelo tša motheo go bahloki le bao ba šaparegilego, bjale ka metlaodutše, gammogo le tlhokomelo ya kalafo go batho bao ba amilwego ke leuba la Covid-19,” gwa realo Khomišinare.

Baofisiri ba ka Khastomo gape ba fihleletše ditshwaro tše dingwe tše mmalwa mo dibekeng tše di fetilego, go akaretša tše di latelago:

- Ka Laboraro la 9 June, baofisiri ka Boemafofane bja Ditšhabatšhaba bja OR Tambo (ORTIA) ba utullotše 80kg ya *Crystal Methamphetamine* ya boleng bja tekanyetšo ya R24m. *Crystal meth* e be e utilwe ka gare ga thoto yeo e laodišitšwego bjale ka “mašela a go roka” gomme a be a labile Israel ka go putla ka Istanbul. Kgetsi e ile ya romelwa go Kgoro ya Dinyakišišo tša Pele tša Bosenyi tša SAPS (DPCI).
- Gape ka la 9 June, baofisiri bao ba setšhago ka karolong ya dithoto ka ORTIA ba utullotše kalafi ya motsošetša thobalano, ya boleng bja tekanyetšo ya R45 220 000.00, yeo e bego e sa laodišwa ka tsela ya maleba. Dithoto tšeo di ile tša romelwa ka SAPS bakeng sa dinyakišišo tša go tšwetšwapele.
- Ka la 3 June, Baofisiri ba ka Khastomo le maloko a Kgoro ya Dinyakišišo tša Pele tša Bosenyi (DPCI) ba be ba setšha thoto yeo e bego e belaelwa, yeo e fihletšego ka ORTIA go tšwa Kenya, ge ba utulla selo se se sotho sa go phuthelwa ka foile gape e utilwe ka gare ga dikhene tša thini. Ka morago ga diteko, go ile gwa laetšwa gore ke selo seo se dirišwago bjale ka setswaki sa go tšweletša Mandrax. Selo seo, ka tekanyetšo ya boleng bja R105.4m, se ka be se kgontšhitše tšweletšo ya dipilisi tše 1 700 000 tša *Mandrax*. Dithoto di ile tša išwa go SAPS bakeg sa dinyakišišo tša go tšwetšwapele.